

ODOEJE NIWAKATE TESSALONICEENSITEDI

Aca nigotaga Tessalônica aninoa icoa enaanaga manitaga. Jigidiaagitedice niodagawadi romaanotedi. Paulo jigijaa odoejegi liigexegi Aneotedogoji ane yatematitedibece nibodicetedi anele aneetece Cristo, odaa jegeo lapo nigijo anonakato Goniotagodi. Icoa judeutedi ane nigeladimigipitigi Tessalônica eliodi modakapetege nibodicetedi anele, odaa eliodi moiatetibece Paulo ijaa Silas, codaa ijo moniwilotiniwace. Nigidiaagidi Paulo ja imonyaticogi Timóteo Tessalônica migo yaxawatiogi loiigi Cristo meo mepaanaga ili eliwaगतakanegegi. (Awiniteloco Atos 17.1-10).

Paulo yatemati nigica anodaagee nige dopitedijo Goniotagodi. Dogetetibigimece Aneotedogoji leegodi mele moikee me niwinigijedipi eledi nigeladimigipitigi Tessalônica, leegodi meliodi me dinemaatiwage, codaa moyiwagadi nibodicetedi anele. Paulo eo monalagatacibige nigijo anee lewiga me igenaga nigijo maleegidiaagite miditaga. Odaa jigijaa niwinigijegi. Paulo yalagata meliodi me yemaa loiigi Cristo, odaa naga dagadiaagica libodigitigi, odaa ja iige Timóteo migo iwi migalee odiotece Jesus. Paulo aagaga diigaxinagatece nigica anejinaga me godewiga anepaga yocaganege Aneotedogoji, codaa miditawece nigomaga monibeotege lanokegi Goniotagodi. Owidijedi

lotaga Paulo inokinoa niladeenegeco.

Paulo yecoaditibige Tessaloniceensitedi

¹ Ee Paulo, Silas, iniaa Timóteo, jiwakateenagatibigagaji nagadi godiwakate ane emegeee jidi. Jiwakateenagatibigagaji anakaami gonioxoadipi, ane iwagatitetiawaji Goniotagodi manitaga nigotaga Tessalônica, akaami ane gadexocitege Aneotedogoji Godiodi, iniaa Goniotagodi Jesus Cristo.

Jemaanaga Aneotedogoji Godiodi, codaa me Goniotagodi Jesus Cristo midioka limedi meletagadomitiwaji, codaa mowo mele gadaalegenali.

Paulo diniotagodetibigimece Aneotedogoji leegodi eliwagatakanegegi, codaa anodaageeta lewiga Tessaloniceensitedi

² Idioka limedi me iniotagodeegatalo Aneotedogoji leegodi akaamitawecetiawaji, codaa jipokagatalotiawaji nigina me jotaganegenaga Aneotedogoji.

³ Nigina me jotaganegenaga idioka limedi me godalagatibigagaji lodoe Aneotedogoji Godiodi.

Godalagatibigagaji nigina mawii Aneotedogoji ane yemaa leegodi gatiwagatakanegegi, codaa anodaagee meliodi maxawani eledi oko leegodi manemaanitiniwace, codaa me aatege niginoa ane dakaketagadomitiwaji leegodi manibeoonitege lanokegi Goniotagodi Jesus Cristo.

⁴ Gonioxoadipi, jowoogotaga me gademaanitetiwaji Aneotedogoji, codaa me gadiomagatitedicoace makaami nepilidi. ⁵ Jowoogotaga Aneotedogoji

me gadiomagatitedicoace leegodi nigijo naga jelogotagatagawa gobodigi anele ane icogotigi miniwataga Aneotedogoji, ajelogotagatedagawa notaga ane goneleegiwa lotaga, pida Aneotedogoji najigotedogowa loniciwaga nigina me jelogotagatagawa nibodicetedi anele, Aneotedogoji Liwigo godiigaxitece anejalagatigi gogegi, codaa iniaagini ikeetagawatiwaji nigijoa godotaga mewi. Akamagakaamitiwaji owoogoti anodaagejinaga me godewiga nigijo midiaagejonaga gadiwigotigitiwaji me gadaxawanegegi. ⁶ Odaa jaganowikitoogowa anodaagejinaga me godewiga, codaa jagaga iwitece anodaageeteda Goniotagodi malee yewiga digoina iigo. Nigijo nagabaategetiwaji godatematiko, odaa Aneotedogoji Liwigo eo maniniitibecetiwaji, idaaqida meliodi mawikodeetiwaji leegodi nigijo anodakapetagagi. ⁷ Odaa nigida anenitiwaji jagakaami niwinigijedipi iditawece nigidi anoyiwagadi Goniotagodi ane ligeladi niigotedi Macedônia aniaa Grécia. ⁸ Igaataga aqidioka adeegiticogitiwaji lotaga Goniotagodi niigotedi Macedônia aniaa Grécia. Pida jagadeegitedicogi inoatawece nipodaga, codaa jogodibodicetibige anodaagenitativaji meliodi manakatoni Goniotagodi. Joanigidaa leegodi me dagadiaa leeditibige daga jelogotagatibece anodaagee gatiwagatakanegegi. ⁹ Igaataga iditawece odibodicetibige mele mabaatogogitiwaji, codaa modi nigikanitiwaji magaatalo niginoa niwicidi, odaa jagabaatema Aneotedogoji ane yewiga, codaa anepegegi. ¹⁰ Nigidi oko eledi

odibodicetibige manibeoonitibigege lanokegi Jesus, Lionigi Aneotedogoji, Nigijoa Aneotedogoji aneote me yewigatace. Jigijaaigijoa nigicota me dopitedijo icogotedibigimece ditibigimedi, odaa nogatedice lélagatedogodomi Aneotedogoji leegodi gobeyacegeco nigica noko nige iwi anigote codaa me iloikatidi eledi oko leegodi libeyacegeco.

2

Icoa libaketedi Paulo digoida Tessalônica

¹ Inioxoadipi. Akamaagakaamitiwaji owoogoti nigijo me idaliigatagawa, leegodi me iwagati ane jelogotagatagawatiwaji, odaa agoko abaagegegipi me idaliigatagawa. ² Codaa owoogotitiwaji moyametibigogoji, codaa metigodiweenigetice nigeladimigipitigi nigotaga Filipos maleedigicatibige daga idaliigatagawa. Eliodi oko, oko nakapetegi, pida Aneotedogoji eote mabo godaalegena me jelogotagatagawa gobodicetedi anele ane icogotibigimece miniwataga. ³ Nigijo naga gadiladeenegegitiwaji mabaatege godatematiko, agica daga joleegatibige me gadinaalenegegitiwaji, otegexaagaga joleegatibige me jaaga mabataatiwaji, otegexaagaga joleegatibige mawiite gadakataga ane beyagi. ⁴ Pida idioka limedi me jelogotaga Aneotedogoji ane yemaa, me jocaganagatalo, Nigijoa ane naditediwe godaalegenali. Ajoleegatibige me jocaganagatiogi goneleegiwadi nigijo me jelogotagatedibece gobodicetedi anele, leegodi Aneotedogoji godiomagaditedice codaa jegepaa

najigotedogowa niginoa gobodicetedi anele.
⁵ Codaa aagaga igenaga mowoogotitiwaji nigijo naga ejogotagawatiwaji me jatematitedagawa gobodicetedi anele, ajoleegatibige daga gadamenegegitiwaji, otegeaagaga joleegatibige me gadinaalenegegitiwaji me inigaanyaatece ganinyeelo. Codaa Aneotedogoji iniwa me nakataganaga nadi anejinaga. ⁶ Otegeaagaga joleegatibige degetigodiwenigide nigina oko, otegeaagaga akaamitatiwaji, domigetaga eledi oko. ⁷ Nigida moko ida gonagatetigi leegodi moko liigexedi Cristo. Pida ajemaanaga me jibakenaga gonagatetigi daga gadiigenegegitiwaji manajicitogowa niginoa ane jopoogatibige me godewiga. Pida aninigatagawatiwaji liciagi naana eniodo anigotiogi lionigipi me dowediteloco, jikeenagatagawatiwaji me gadiwikodenegegi. ⁸ Nigida moko eliodi me gadamaanegegitiwaji. Joanigidaa leegodi aginoka jemaanaga me jatematiigatedagawatiwaji nibodicetedi anele ane icogotibigimece miniwataga Aneotedogoji, pida jagaga godigo codaa me godeleotagadomi me gadaxawanegegi. ⁹ Inioxoadipi. Ejimaleeganalakitibige meliodi me jibaaga, codaa me idinoniciwataga me jibaaga noko, codaa menoale jaogatibige me jakataga ane jopoogatibige me godewiga, jaogatibige me daga godedianegegitece ane jopoogatibige, nigijo maleegidiaagejonaga makaamitagatiwaji me jatematiigatedagadomi nibodicetedi anele.

¹⁰ Akaami nakataganaditiwaji, codaa me Aneotedogoji eledi nakataganaga anodaagejinaga

me godewiga me godegenaga, agica gobatiigi, odaa agica ane yakadi me dilaagetetogowa nigijo maleegidiaagejonaga makaamitagatiwaji ane iwaḡati Goniotagodi. ¹¹⁻¹² Owoogoti me joenagatibigagajitiwaji oninitecibeci micataga nigina eniodi anigota me yoetibigo nigina lionigi. Codaa idioka limedi me ḡadajacagategegitiwaji, codaa me ḡadoniciwagategegi, codaa me jiladeenaga oninitecibeci jaogatibige me yocaganege Aneotedogoji anodaagee me yewiga. Igaataga Aneotedogoji eniditedagawatiwaji me ḡadewikitema nige limedi ninioxigi, codaa eote mawanitege me ḡadiwenigideni.

¹³ Digawinieledi ane leegodi midioka limedi me iniotagodeegatalo Aneotedogoji. Iniotagodeegatalo leegodi nigijo nagajipaatalo Aneotedogoji lotaga ane jelogotagatedagawa, akaamitawecetiawaji agabaatege nigijoa notaga micataga daga lotaga goneleegiwa, pida abaatege mewime notaga ane icogotedibigimece miniwataga Aneotedogoji. Odaa nigidiwa notaga ja iigi anodaagenitatiwaji me ḡadewiki, akaamitawece ane iwaḡati Goniotagodi.

¹⁴ Inioxoadipi. Ane lawikodigi loiigi Aneotedogoji digoida Judéia ane nepilidi Jesus Cristo, akaamitiwaji inaa aagaga ḡadawikodico. Owo mawikodee nigina akamaga ḡadoiigi, liciagi lawikodigi nigijo anoyiwaḡadi Goniotagodi digoida Judéia me nawikodeega leegodi eletidi judeutedi.

¹⁵ Nigidiwa judeutedi jeḡepaa oyeloadi Goniotagodi Jesus, codaaeledi onigodi Aneotedogoji liotaka nigijo jotigide anoyelogoditedibece lowooko. Codaa mokoeledi etiḡodiatetibece.

Nigidiwa judeutedi owotibige Aneotedogoji me yelatetema, codaa odakapetege inatawece oko. ¹⁶ Nigidiwa judeutedi idioka limedi modoletibige moyolitoḡogi me jelogotagatiogi nibodicetedi anele eledi oko ane daga judeutedi meote Aneotedogoji lewiga. Odaa nigida anee jegepaanaga inoa libeyacegeco. Aneotedogoji ja nilagaditedibigege libeyacegeco, agalee leegi odaa icota me dagadiaa ika me nibataaga. Ja nipegi noko me iloikatidi.

Paulo domaga doletacibige me dalita nigotaga Tessalônica

¹⁷ Gonioxoadipi. Nigijo naga jawalacagaticoace nigijoa nokododawaanaga, catiwedi ḡodowoogo baadaga jawalacagatiwage, pida moko oko бага jawalacagatiwage. Odaa eliodi me ḡadiategegitiwaji, codaa idioka limedi me joleegatibige ḡonimawenegegi me idaliigatacagawatiwaji. ¹⁸ Jigijo me ḡodowoogo me idaliigatagawa. Ee Paulo, elioditibece me domaga jemaa me idalitagawatiwaji, pida Satanás idioka limedi me idibeyacagaditibece. ¹⁹ Eliodi me jemaanaga me ḡadategegitiwaji, leegodi me inibeoonagatege me ḡadikeenegegitalo Aneotedogoji nigica noko nige dopitedijo Goniotagodi, odaa eliodi me ḡodinitibece akaami leegoditiwaji nigica noko lodoe Goniotagodi Jesus Cristo. Odaa ja jibagatege ḡonagajegi miniwataga Goniotagodi ane liciagi noḡeedi nigina nalokodegecajo baanaga dinigaanye me dinibaleece, odaa joḡoyajigo noḡeedi. ²⁰ Odaa

ewi meliodi me idinanenagatibece codaa me
godinitibece leegodi akaamitiwaji.

3

¹⁻² Nigijo naga dagadiaa jakataga miniga
makaamitagatiwaji, agalee jibogatege me digicata
gobodigitibigagajitiwaji. Odaa ja godowoogo
mokokotece me godeyagatini manitaga nigotaga
Atenas, odaa ja jimonyaagatagawa gonioxa
Timóteo. Igaataga Timóteo godaxawatece
Aneotedogoji libakedi digoina anejonaga
me jelogotagatedibece gobodicetedi anele
aneetece Cristo. Jimonyaagatagawatiwaji
migo me gadoniciwagati codaa me
gadaxawani mepaanaga anakatoni Goniotagodi,
³ amaleegaga agica ane dinalalacetema
eliwagatakanegegi leegodi lawikodico. Igaataga
akamagakaamitiwaji owoogoti Aneotedogoji
mepaa ika me jawikodeega digoina iigo. ⁴ Nigijo
maleegidiaagejonaga makaamitagatiwaji,
eliodi me jaogatibiga gabodigi micota
metigadiatenitibecitiwaji. Odaa owoogotitiwaji
micota nigida niciagi anejinatibigagawa.
⁵ Joanigidaa leegodi naga jakadi me leeditibige
me jimonyatagawatiwaji Timóteo jaotibige
me jowoogodi migaleeganakatoni Goniotagodi,
leegodi agalee jibotege me dagadiaagica
gobodigitibigagajitiwaji. Yaaditibigagajitiwaji
daantigica Satanás me dineetagawa, oditaga
jigikanitiwaji me iwitece Goniotagodi,
idoiigatibige nigijo gobakedi ane jaoga digoida
makaamitagatiwaji daatigicata aneletema.

⁶ Pida natigide Timóteo negeno me icoготigi makaamitaгatiwaji, ica mele gobodigitibigaгajitiwaji ane nadeegitogowa, natematitogowa monaleegidaageni me iwaгati Goniotagodi, codaa midioka limedi madinemaanitiwaji. Natematitogowa midioka limedi mele me гadalakitibigogoji, codaa meliodi memaani magaga гodateгegi, digo anejinaga me гodipeгegedi me гadateгegitacetiwaji. ⁷ Inioxadipi. Joanigidaa leegodi naga гodoniciwaditace leegodi maleegidaageni me iwaгatitetiwaji Goniotagodi, idaagida me jakapaгatege niginoa ane dakapetogodomi codaa me гodawikodico. Idioka limedi me гodoniciwadi nigina me jowoogotaga maleeganakatoni Goniotagodi. ⁸ Codaa гodinitibece me jibaагatema Goniotagodi nigina matitetiniwace, codaa nigina me digikanitiwaji me iwaгati Goniotagodi. ⁹ Eliodi me iniotagodeegatalo Aneotedogoji akaamitiwaji leegodi, codaa iniotagodeegatalo Aneotedogoji leegodi meote me гodinitibece lodoe, akamaгakaamitiwaji leegodi. ¹⁰ Enoale, codaa me noko, eliodi me jipokaгatalo Aneotedogoji manitawece гodaalegena me jakataga me гadateгegitacetiwaji, amaleegaga jakataga me jligaxinaгataгadicitiwaji niginoa niigaxinaganegeco anoyalagata gotiwaгatakanegegi analee dogowoogotiteda, codaa amaleegaga гadaxawanegegi mepaanaga iwaгatitetiwaji Goniotagodi.

¹¹ Eliodi me jemaanaga miniaaginiwa Aneotedogoji Godiodi, codaa me Goniotagodi

Jesus Cristo meote me jakataga me idaliigatacagawatiwaji. ¹² Jemaanaga Goniotagodi meote midioka limedi mepaanaga adine-maanitiwaji, codaa memaani inatawece oko, liciagi aninigatagawa me gademaanegegitiwaji. ¹³ Joanigidaa Goniotagodi Jesus meote gadoniciwaga midioka limedi me gadewikitema iniokiniwateda Aneotedogoji, me digicata gabatiigi lodoe Aneotedogoji Godiodi, nigica noko nige dopitedijo Goniotagodi Jesus lixigagawepodi ijotawece nigijo ane nepilidi, ane iomagaditedicoace mepoka nepiliditeda.

4

Ica anodaagejinaga me godewiga aneo Aneotedogoji me ninitedibece

¹ Gonioxoadipi. Nigina natigide jidikonagatibigagaji owidije liwai godotaganagaxi. Ja jiigaxinagatagadicitiwaji ane leeditibige me eni me gadewiki aneo me ninitedibece Aneotedogoji, analeegeni nigina natigide. Pida jibakenaga nagatetigi Liboonagadi Goniotagodi Jesus me jipokagatagawatiwaji codaa me gadiladeenegegi mepaanaga adinoniciwagatitiwaji me gadewikitema ane yemaa Aneotedogoji. ² Igaataga owoogoti nigijoa niigaxinaganegeco ane jajicagatedagawatiwaji, nigijo me jibakenaga gonagatetigi ane najigotedogowa Goniotagodi Jesus. ³ Nigijoa niigaxinaganegeco oikee Aneotedogoji ane yemaa me awiitetiwaji. Yemaa matamitege inoatawece ane beyagi, codaa me daga gadoomatewatiwaji

ane daga gadodawa. ⁴ Aneotedogoji eledi yemaa moninitecibeci yowoogodi me dowediteloco lodawa anodaagee nigina oko ane yemaa me yewigatema iniokiniwateda Aneotedogoji, codaa midioka limedi me deemitetibige lodawa. ⁵ Agele daga yametibigo lodawa degeo liciagi nigina oko ane dogoyowoogoditeda Aneotedogoji, anepaga inoka odoletibige mowo nigica anepoka eletema. ⁶ Aneotedogoji ayemaa digica aneo ane beyagitema nioxa oditaga ibeyacagadi ladonegegi. Igaataga jigijo mejinagatagawatiwaji codaa me gadiladeenegegitece Goniotagodi me iloikatidi inatawece oko ane ibeyacagadi ladonegegi nioxa. ⁷ Igaataga Aneotedogoji ageniditedogowa daga godoomatewa ane daga gododawa, pida eniditedogowa me jatamagajogotege inoatawece ane beyagi, codaa yemaa miniokiniwateda me godewigatema. ⁸ Nigica oko ane daga niwoditema godiigaxinaganegeco, odaa agoneleegiwa ane dogodibatege, pida Aneotedogoji ane dogodibatege, Nigijoa ane najigotedogowa Liwigo ane yapidi.

⁹ Agalee leeditibige daga jidikonagatibigagaji me gadiigaxinegegi me leeditibige memaani ganioxoadipi, leegodi Aneotedogoji ja iigaxitedagadicitiwaji me leeditibige madine-maanitiwage. ¹⁰ Ewi nigikeeni memaani iditawece gonioxoadipi ane ligeladi nipodigi Macedônia. Pida jipokagatagawatiwaji moleetibige mepaanaga dagaxa memaani nigidi gonioxoadipi. ¹¹ Jipokagatagawatiwaji

midioka limedi moleetibige me gadilakiitege okanicodaagica oko, codaa jinagawatitaeledi oko lewiga, codaa abaatiwaji makati anopootibige me gadewiki, odaa iwitece ijoatawece nigijoa baanaga gadiladeenegegitecetiwaji. ¹² Nige iwitece nigijoa ane gadiladeenegegitecetiwaji, odaa nigina oko ane dogoyiwaqaditeda Goniotagodi jogodeemitetibigagaji, codaa agica anawaletigi liwa nigina midi anopootibige.

Lanokegi Goniotagodi nige dopitedijo

¹³ Gonioxoadipi. Jemaanaga mowoogoti anewi anodaagee nigijo anoyiwaqadi Goniotagodi baanaga nigo, amaleegaga agakaamitiwaji agecagalodipi anee nigina oko ane dogonibeotege me newigatace. (Igaataga nigida moko anejiiwaqataga Goniotagodi nigina naga godeleo liciagi nigina me jiotaaga.) ¹⁴ Nigida moko ejiwaqataga Jesus me yeleo, odaa nigidiaagidi ja yewigatace. Joanigidaa leegodi mejiwaqataga Aneotedogoji meote me lixigagawepodi nige dopitacedijo Jesus nigijo anoyiwaqadi Goniotagodi baanaga nigo.

¹⁵ Niginoa ane jelogotaga liigaxinaganegeco Goniotagodi aneetece nigijo anoyiwaqadi Goniotagodi baanaga nigo. Nigida moko anepagalee godewiga nigica noko nige dopitedijo Goniotagodi, nigida moko agoko odoejedipi me jakapagatege Goniotagodi ajibanoonagatece odoe nigijo anoyiwaqadi Goniotagodi baanaga nigo. ¹⁶ Igaataga nigica noko Goniotagodi diigenatakate ica napaawaga ane igedi, nigica ane diigenataka me dapaawe niaanjo Goniotagodi

ane dagaxa me gonegegi, odaa aca goloneeta ane dodenaga icogoticogi layaagegegi miniwataga Aneotedogoji. Odaa Goniotagodi ja dinikatedini icogotedibigimece ditibigimedi. Odaa ja newikatiditediniwace nigijo anoyiwaagadi Cristo baanaga nigo. ¹⁷ Odaa nigidiaagidi nigida moko analee godewiga ja jawanagatege nigijo aneniwaagatakanaga baanaga nigo odaa ja newigatace midiwa loolatedi. Odaa okotawece jakapagatege Goniotagodi digoida ditibigimedi. Odaa idiokaanaga limedi me idejonaga miniwataga Goniotagodi. ¹⁸ Enice atikanitalo niginoa notaga anajipaatalotiwaji madinaxawani amaleegaga idioka limedi me gadoniciwatitiwaji.

5

Leeditibige me idinowetagatege lanokegi Goniotagodi

¹ Inioxadipi. Agalee leeditibige daga jidikotibigagaji daga idalagata anodaagee nigicoa nokododi nigicota me dopitedijo Goniotagodi. ² Akamagakaami igenaga mowoogotitiwaji me digica ane yowoogodi nigica noko nige dopitedijo Goniotagodi, micataga nigina me digica ane yowoogodi nigica noko micotio olicegegi aninoka dolictigi enoale. ³ Nigodi nigina oko, “Agica ane godigecagalege, daxixe, agicaantokaagini ane idoiigatibige.” Pida codidigida, nigenoteloco ane yaagadi. Agica ini ane yakadi me iwoko nige limedi Aneotedogoji me iloikatidi oko ane dogoyiwaagaditeda, macataga

naɣana iwaalo naɣa niɣegi me dinigaje oɗaa aiwoko niɣida lawikodigi. ⁴ Pida, inioxoadipi, niɣida makaamitiwaji aɣideoni nexocaga, codaa niɣica noko nige dopitedijo Goniotaɗodi aɗadawelaɗatitiwaji, micataɣa oliceɣegi anenotio me deɣejinaɗatibige. ⁵ Akaamitaɣecetiɣaji ida anenitege nilokokena Aneotedoɗoji, codaa jibaaga mani lokokena. Niɣida moko aɣica anejinaɗatege enoale, otegeɣaaga nexocaga. ⁶ Oɗaa ayakadi doɗoko abaciɣegipi micataɣa daga jiotaɣa malee ɗodewiɗatema Goniotaɗodi, anee niɣina oko ane doɗoyiwaɗaditeda Goniotaɗodi ane doɗoyewiɗatema. Pida leeditibige moko niɣina oko ane niwoditibigiɣaji, codaa ele me idinaɗacaɗataɣa anejinaɣa me ɗodewiɗatema. ⁷ Igaataɣa niɣina ane diote, diotetigi enoale, codaa niɣina ane yemaɣa, yemaɗatigi enoale. ⁸ Pida niɣida moko biɣida anejinaɗatege noko, oɗaa leeditibige me idinaɗacaɗataɣa. Niɣida moko nigidioka limedi me jinakatonaga Goniotaɗodi, codaa me jemaanaga okanicodaaɣica oko, oɗaa idinowetaɗatema ɗodaxakawa, macataɣa aca oecaɣaxi elipogo iodaɗawa ane yolitege ninyaagi niɣina laxakawa naɣa domegeo anigota. Codaa nige inibeonagaɗatege me dopitedijo Goniotaɗodi, ja idowetaɗateloɗo ɗodacilo me daga jowooga ane beyagi, micataɣa ica iodaɗawa lamakaladi ɣapilecege ane dowediteloco lacilo me diɣica ninyaagi. ⁹ Igaataɣa Aneotedoɗoji aɗodiomaɗaditedice daga ɗodiloikatidi leegodi niɣinoa ɗobeyacegeco, pida ɗodiomaɗaditedice me najigotedoɗowa gela ɗodewiɣa ane yemaa

me najigotedogowa. Jakatagatace me godewiga leegodi nigijo loenatagitedogodomi Goniotagodi Jesus Cristo. ¹⁰ Igaataga Cristo yeleotedogodomi eotedibige me jakataga me godewiga digoida miniwataga, icaagica nige naga godeleo, domigalee godewiga nige dopitedijo Goniotagodi, pida idioka limedi me idejonaga miniwataga. ¹¹ Enice oleetibige midioka limedi moniciwagati eledi ganioxa, codaa axawani amaleegaga ili gatiwagatakanegegitiwaji, nigijo anenitiwaji jotigide.

Niladeenaganegeco

¹² Gonioxoadipi. Jipokagatagawatiwaji me eemiteetibige nigidi anele modibatagadomi, nigidiwa goneleegiwadi liomagataka Goniotagodi me gadaciloditiwaji, codaa metigadiigaxinitece anodaageni me gadewiki. ¹³ Leeditibige meliodi me eemiteetibige nigidiwa goneleegiwadi, codaa memaani, leegodi nigida libakedi. Codaa oleetibige me gadilakiitiwagetiwaji.

¹⁴ Gonioxoadipi. Digawini ane jiladeenagatagadici: Iigeni nigina oko nigojigipi me nibaaga, oniciwagati nigidi oko ane dagadiaa oilidagadi modiatece Goniotagodi, axawani nigidi oko ane digica loniciwaga modinajacagaditema lakataga ane beyagi, codaa adinatiitiogi iditawece nigidi oko. ¹⁵ Adinowetitiwaji adigica ane doojete nigina mowo ane beyagitema. Pida begele midioka limedi moleetibige inokina aneletema inatawece oko.

¹⁶ Oleetibige midioka limedi maniniitibeceti-waji. ¹⁷ Idioka limedi moleetibige motaganegeni

Aneotedogoji. ¹⁸ Oleetibige midioka limedi me an-iotagodeetalotiwaji Aneotedogoji, aibeyacaɗadi nigica aneni, domigele, ogoa, domige ida ane dakaketaɗadomi. Jigidaa ane yemaa Aneotedogoji mejinaga, leegodi me ɗodexogotege Jesus Cristo.

¹⁹ Jinaga domaga abeyacaɗati libakedi Aneotedogoji Liwigo ane yemaa meo ɗadiwigotigitiwaji. ²⁰ Codaa jinagakaamitiwaji nigina ane digica mowote lotaga nigina anoyelogoditedibece lowooko Goniotagodi. ²¹ Pida awinitece inoatawece notaga amaleegaga owoogoti nigewi niginoa notaga anoyalagatalo, odaa abaatege inokina anele. ²² Codaa oxaxinitiawaji inoatawece niginoa ane yakadi modi me beyagi mawii nigina eledi oko.

²³ Aneotedogoji eote mele ɗodaalegenali. Odaa Iniaaginiwa jipokotalo me ɗadatamagateenitetege inoatawece ane beyagi, me ɗadewikitema. Codaa jemaa me doweditedeloco idatawece ɗadewiga: Gadiwigo, ɗadolaadi, codaa me niginoa ane eemiteetece, me digica ane yakadi me dinanimagaɗagawa nige dopitedijo Goniotagodi Jesus Cristo. ²⁴ Aneotedogoji nigijoa aneniditedaɗawa me ɗadewikitema eote nigijo ane ligegi, codaa doweditedaɗalocotiwaji.

²⁵ Gonioxoadipi. Ipokitogoloco nigotaɗanegeni Aneotedogoji magaga ɗodaxawa. ²⁶ Nigina madinicenitiwaji, adiniceni digo anodaagee me dinice nigina dinoiigiwepodi.

²⁷ Jibake naɗatetigi Liboonagaɗi Goniotagodi me jiiɗetaɗawa malomegenitema iditawece

gonioxoadipi naḡadi notaganagaxi ane
jiwakateetibigagajitiwaji.

²⁸ Jemaanaga Goniotaḡodi Jesus Cristo midioka
limedi meletedaḡadomitiwaji. Odaa jigidaagee
(Amém).

Gela Liwai Lotaḡanaḡaxi Aneotedoḡoji New Testament in Kadiwéu (BR:kbc:Kadiwéu)

copyright © 2012 Wycliffe Bible Translators, Inc.

Language: Kadiwéu

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Kadiwéu

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

PDF generated using Haiola and XeLaTeX on 21 Feb 2024 from source files
dated 29 Jan 2022
7128a549-e957-5460-8c56-0f5281edf264